

Marisol Tromp ta boga pa: Aruba bay na e filosofia di "Community Building" No por ignora problemanan social, awe dia di Famia mester ta dia di reflexion.

ORANJESTAD(AAN) Den e ultimo añanan tin tur indicacion cu Aruba ta bay confronta su mes cu problemanan social hopi grandi. Nos ta na altura cu pa añanan caba Departamento pa Asuntonan Social ta preparando un databank di datonan social. Ta un lastima cu debi na falta di vision di nos gobernantenan awe nos no por midi a base di cifra pa medio di indicadornan social con grandi e problemanan social di nos pais ta.

Pero teniendo na cuenta e aumento di cantidad di personanan cu ta biba di onderstand (cu ta mas o menos 3500 persona), e cantidad di divorcio cu ta subiendo dia pa dia, e pedidanan largo di famianan cu no por haya cupo pa nan grandinan na e casnan di anciano, aumento di consumo di droga y alcohol (segun investigacion di Fundini tin aki na Aruba un total di 11000 usador di droga, di cual 2000 ta problematico), e cantidad grandi di hobennan cu ta interna pa motibonan di problema den famia, e cantidad grandi di mamanan soltero y por ultimo e fenomeno relativamente nobo cu ta e aspecto cu hopi muchanan di decendencia stranhero cu no ta bayendo school (mas) pa motibo cu nan ta worde confronta cu varios problema ora di adapta na nos enseñanza, nos partido MEP tin di constata cu nos problemanan social ta inmenso. Analysando tur e indicadornan menciona

Emisora "Mi FM" ta lanta recuerdo cu programa "Earth, Wind and Fire Live"

ORANJESTAD(AAN) Awe anochi pa 8'or e radio emisora Mi FM ta trece un programa special unico, titula "Earth, Wind & Fire Live".

E grupo musical aki a haci furor specialmente den añanan 70 y 80 y no lo dura mucho cu den e festival di Sinbad nan lo duna acto di presencia na Aruba.

Na Aruba tin hopi fanatico di e grupo aki y awe anochi na MI FM nan lo por goza na grandi y recorda momentonan ameno cu e grupo aki, di cual su musica keto bay ta cay na agrado di mayoria hende.

Presentado di e programa ta Junior Dorotaal cu lo tin como invitadonan; Goriaka Maal, Ruben Scorpio y mas hende cu conoce e grupo Earth Wind & Fire.

Di 8 pa 10 ningun hende por perde e oportunidad unico aki na MI FM 107.5

por conclui cu hopi di e problemanan aki ta debi na e desaroyo economico cu Aruba a conoce ultimo añanan cu a percura pa un desbalanse total pa e concepto di famia na Aruba.

Pues poco poco nos famianan ta kibrando. Den e siguiente tabel saca for di Censo 1981 y 1991 por ripara con e structuranan familiar a cambia:

	1981		1991	
Tipo di Familia	absoluto	relativo	absoluto	relativo
Nucleo Familiar	10.588	71.0	9.800	50.9
Extended Family	2.182	14.6	3.492	18.1
Personanan sin laso familiar	393	2.6	3.014	15.7
Un persona	1.761	11.8	2.950	15.3
Totaal	14.924		19.256	

Analysando e tabel nos por mira cu e nucleo familiar cu ta consisti di mama, tata y yuinan a baha di 71 % na aña 1981 te na 50 % na aña 1991. Mientras cu e fenomeno di personanan sin laso familiar, esta un "cas" na unda diferente hende ta biba hunto bao un solo dak pero no ta famia y e "cas" (hogar) di un persona a crece barbamamente. Esun cu a crece mas hopi ta Personanan sin laso familiar cu a crece di 2.6 % na aña 1981 te na 15.7 % na aña 1991. Pues mayoria di persona a prefera di bay biba riba nan mes (un cas / hogar consistiendo di un persona). E desaroyo aki ta

pone cu e concepto famia dia pa dia ta cambiando. Na su lugar ta biniendo e proceso di individualizacion. Pues cada hende ta bay wak pa nan mes lubidando nan mayornan, rumannan y bisiaña. Den mi concepto e desaroyo aki no ta uno sano pa e comunidad chiquito cu nos tin. Nos tradicion ta mustra nos caba cu hunto nos ta logra hopi mas

cu cada ken pa nan cuenta. Ta pesey nos partido MEP saliendofor di principio social democrata, ta kere den "Community Building" na unda nos ta bolbe na e base di un sociedad cual ta e famia. Nos mester mira "Community Building" den un vision hopi amplio. Pues e ta encera fortificacion di e base familiar, formacion, integracion, recuperacion di nos norma- y balornan, buscamiento di harmonia y paz pa nos comunidad y tambe un desaroyo social balansa pa nos futuro generacionnan. Pues por mire como un "Nation Building" na unda nos

tur tin como meta; yega na un calidad di bida acceptabel sin problemanan social.

Fortificacion di concepto famia ya ta parti di vision di "Community Building". Pa un pais por combati problema social e mester dirigi su maneho riba fortificacion di lasonan familiar.

Door cu antes e lasonan familiar na pais Aruba tabata fuerte, hopi problemanan social tabata wordo solucionada internamente. Awe pa motibo di e kiebra di nos famianan pa motibo di nos desaroyo economico, hopi di e problemanan social ta cay den

forma y educa.

Una vez cu scoge pa e vision aki nos lo mira hopi di e problemanan cu nos tin den nos barionan manera criminalidad, droga y maltrato lo wordo reduci. Por ehemplo: Actualmente tin barionan na unda cu ningun hende conoce otro, consecuentemente si algo pasa cu un habitante ningun hende lo preocupa. Pero basa riba e filosofia di "Community Building" automaticamente gobierno lo stimula organizacionnan den un barion cu tin un tarea amplio pa percura entre otro pa integracion di un persona den un barion. Asina nos por keda mustra na unda cu a base di e vision aki diferente sectornan di gobierno por hiba un maneho mas dirigi. Tambe mi ta pensa cu kizas teniendo na bista desaroyonan internacional na unda cu nan a hasta bin cu un ministerio pa Famia, esaki por ta un bon idea pa personanan den nos comunidad cuminsa pensa riba dje. Kico exactamente e ministerio mester contene, por ser discuti ampliamente. Nos di MEP ta convenci cu famia ta parti substancial pa desaroyo comunitario. Drenando un milenium nobo esaki ta hopi necesario mirando e desaroyo cu nos pais ta aden y loke ta spera nos. Partido MEP kier a felicita tur famia na Aruba y ta nos deseo cu awe riba dia di famia nos relexiona riba fortificacion di nos lasonan familiar.

FANTASMA PAKI, FANTASMA PAYA!!

